



Մ Ա Յ Ր Ա Թ Ո Ռ Ո Ւ Մ

ՍԵՊՏԵՄԲԵՐԻ 6-ին, ԿԻՐԱԿԻ, Մայր Տաճարում պատարագեց արժանապատիվ Ս. Մկրտիչ ավագ քահանա Մկրտչյանը։
Սուրբ պատարագին ներկա էր Վեհափառ Հայրապետը։

ՍԵՊՏԵՄԲԵՐԻ 8-ին, ԵՐԵՎԱՆԻ, «սոն ծննդեան Սրբուհույ Կուսին Մարիամու լԱՆՆԱՅԷ»։ Մայր Տաճարում, Իջման Ս. Սեղանի վրա պատարագեց հոգեշնորհ Ս. Հարություն արքեպ Մատենայանը։

ՍԵՊՏԵՄԲԵՐԻ 13-ին, ԿԻՐԱԿԻ, Խաչվե-րաց։ Մայր Տաճարում պատարագեց և քարոզեց Հոգևոր Ծննդանի վերատեսուչ գերաշնորհ Ս. Հայկազուն եպիսկոպոս Աբրահամյանը՝ խաչի խորհրդի մասին։

Սուրբ պատարագին ներկա էր Վեհափառ Հայրապետը։

Երեկոյան Վեհափառ Հայրապետը նախագահեց վանքի բակում կատարված Խաչվերացի ավանդական թափոխին, հավատացյալների խումբ բազմության ներկայությամբ։

ՍԵՊՏԵՄԲԵՐԻ 14-ին, ԵՐԿՈՒՇԱՐԹԻ, «Երևանի մեծից»։ Պատարագեց հոգեշնորհ Ս. Մաշտոց արքեպ Թաշիրյանը։ Պատարագից հետո կատարվեց հոգեհանգիստ «վան համօրէն ննջեցելոց Ազգի Հայոց»։ Նույն օրը կատարվեց նաև Մայր Աթոռի միաբան հանգուցյալ Նահապետ վարդապետ Մուրադյանի քառասունըր։

ՍԵՊՏԵՄԲԵՐԻ 20-ին, ԿԻՐԱԿԻ, Մայր Տաճարում պատարագեց Հայկից ուխտավորաբար Ս. Էջմիածին ժամանած արժանապատիվ Ս. Նդիշ քահանա Փանոսյանը։

Սուրբ պատարագին ներկա էր Վեհափառ Հայրապետը։

ՍԵՊՏԵՄԲԵՐԻ 24-ին, ՀԻՆԳՇԱՐԹԻ, Հոգևոր Ծննդանի հանդիսությանց դահլիճում տեղի ունեցավ 1959—1960 ուսումնական տարվա առաջին դասախոսությունը միաբանության և ուսանողության համար։ Դասախոսեց դոցենտ Հակոբ Հակոբյանը, նյութ ունենալով «Մարմնակազմություն»-ը։ Դասախոսությունը լավեց ջերմ հետաքրքրությամբ։ Վերջում վերատեսուչ սրբազանը իր շնորհակալությունը հայտնեց հմտալից դասախոսության համար։

ՍԵՊՏԵՄԲԵՐԻ 26-ին, ՇԱՐԱԹ, «սոն սրբոցն Գէորգայ քաջամարտիկ զօրավարին, Աղոկտոսի և Ռոմանոսի երգեցողին»։ Մայր Տաճարում մատուցվեց սուրբ պատարագ։ Պատարագին էր արժանապատիվ Ս. Մկրտիչ ավագ քահանա Մկրտչյանը։

Նույն օրը, երեկոյան ժամերգությունից հետո, Մայր Տաճարում Վեհափառ Հայրապետը նախագահեց երջանկահիշատակ Գևորգ Զ Կաթողիկոսի հիշատակին նվիրված հոգեհանգստյան արարողության։

ՍԵՊՏԵՄԲԵՐԻ 26-ին, ՇԱՐԱԹ, Վեհափառ Հայրապետը, ընկերակցությամբ գերաշնորհ Ս. Հայկազուն եպիսկոպոս Աբրահամյանի և հոգեշնորհ Ս. Նդիշ վարդապետ Մարգարյանի, Երևանում այցելեց նկարիչ Իսաբեկյանի արվեստանոցը, դիտելու համար «Հայոց պատասխանը Հազկերտին» մեծ կտավը։ Նկարը, դեռևս անավարտ, բայց խորապես տպավորել է իր պատմական հարազատությամբ, բարձր արվեստով և գույների ներդաշնակությամբ։ Վեհափառ Հայրապետը խորապես գնահատեց արվեստագետի այդ ծավալուն աշխատանքը և նրան մաղթեց ստեղծագործական նորանոր հաջողություններ։

ՍԵՊՏԵՄԲԵՐԻ 27-ին, ԿԻՐԱԿԻ, «տօն վարագալ Սրբոյ Խաչի»: Մայր Տաճարում հանդիսավոր սուրբ պատարագ մատուցեց փոխ լուսարարապետ հոգեշնորհ Տ. Եղիշե վարդապետ Սարգսյանը: Սուրբ պատարագին ներկա էր նաև Սփյուռքից Հայրենիք ժամանած ուխտավորների մի մեծ խումբ: Սուրբ պատարագին ներկա էր Վեհափառ Հայրապետը:

ՍԵՊՏԵՄԲԵՐ ԱՄՍՎԱ ԸՆԹԱՑՔՈՒՄ ՎԵՀԱՓԱՐԱՆ Հայրապետը ընդունեց մի շարք Սփյուռքահայ տուրիստների այցելությունը, որոնք Հայրենիք էին ժամանել Սիրիայից, Լիբանանից, Եթովպիայից, Իրանից, Ամերիկայի Միացյալ Նահանգներից, Բուլղարիայից և Ռումինիայից:

ՀՈԿՏԵՄԲԵՐԻ 1-ին, ՀԻՆԳՇԱՐԹԻ, Հոգևոր Ճեմարանի հանդիսությանց դահլիճում, իր երկրորդ դասախոսությունը կարդաց դոցենտ Հ. Հակոբյանը՝ «Մարտոգությունը» թեմայով:

Դասախոսությանը ներկա էր Վեհափառ Հայրապետը:

Ա Յ Յ Ե Լ Ո Ւ Թ Յ Ո Ւ Ն Ն Ե Ր

ՍԵՊՏԵՄԲԵՐԻ 9-ին, ԶՈՐԵՔՇԱՐԹԻ, Մայր Աթոռ Ս. Էջմիածին այցելեցին չին գրողներ Վու Ցյանը և Յան Ցզե Մինը, որոնք հյուրաբար գտնվում էին Հայաստանում: Հյուրերը եղան Մայր Տաճարին առընթեր եկեղեցական արվեստի թանգարանում և մեծ ուշադրությամբ դիտեցին այնտեղ պահվող արվեստի հազվագյուտ նմուշները:

ՍԵՊՏԵՄԲԵՐԻ 10-ին, ՀԻՆԳՇԱՐԹԻ, Մայր Աթոռ այցելեց Գերմանական Ֆեդերատիվ Ռեսպուբլիկայի քանաստեղծ և դրամատուրգ Թոմաս Խրիստոֆ Խառլանը: Հարգարժան հյուրը եղավ Մայր Տաճարում, եկեղեցական արվեստի թանգարանում, ինչպես նաև Էջմիածին մյուս սրբավայրերում ու տեսարժան վայրերում՝ իր հետ տանելով խոր տպավորություններ:

ՍԵՊՏԵՄԲԵՐԻ 11-ին, ՈՒՐԱԿԻ, Մայր Աթոռ Ս. Էջմիածին այցելեց Հարավսլավական Ֆեդերատիվ Ռեսպուբլիկայի պետական առևտրի, հասարակական սննդի և տուրիզմի արհմիութենական աշխատողին-

ՀՈԿՏԵՄԲԵՐԻ 2-ին, ՈՒՐԱԿԻ, Հոգևոր Ճեմարանի հանդիսությանց դահլիճում, Հնդկաստանի հայ գաղութի մասին զեկուցեց պր. Հայկ Նաճարյանը՝ Նախքան դասախոսությունը Վեհափառ Հայրապետը բարի գալուստ մաղթեց տեր և տիկին Նաճարյաններին, հետո խոսեց Հնդկաստանի հայ գաղութի հայրենասիրական և բարեպաշտական զգացմունքների մասին, ապա իր օրհնությունն ու ողջունները հղեց հյուրերի միջոցով հնդկահայության: Բանախոսությունից հետո պր. Նաճարյանը ցուցադրեց գունավոր երկու ֆիլմ՝ ազգային-եկեղեցական պատմական կյանքից վերցված և պատրաստված Կալիաթայի հայոց Մարդասիրական Ճեմարանի և հայ երիտասարդների կողմից: Առաջին ֆիլմը Աբգարի դարձի պատմությունն էր, իսկ երկրորդը՝ Տրդատ Թագավորի դարձն ու մկրտությունը՝ ըստ Ագաթանգեղոսի պատմության: Վերջում պր. Նաճարյանը ֆիլմերը և կինոսպարառող իր լրիվ կազմով նվիրեց Հոգևոր Ճեմարանին: Վերատեսուչ սրբազանը ջերմ շնորհակալություն հայտնեց պր. Նաճարյանին և իր տիկնոջը՝ այս նվերի համար:

րի պատվիրակությունը: Հյուրերը եղան Մայր Տաճարում և թանգարանում:

ՍԵՊՏԵՄԲԵՐԻ 13-ին, ԿԻՐԱԿԻ, Ս. Էջմիածին այցելեց Իտալիայի սննդարդյունաբերության պատվիրակությունը, գլխավորությամբ սննդարդյունաբերության աշխատողների ֆեդերացիայի գլխավոր քարտուղար Դեյ Ալիո Պեպինոնի:

ՍԵՊՏԵՄԲԵՐԻ 20-ին, ԿԻՐԱԿԻ, Մայր Աթոռ այցելեց Շոտլանդիա—ՍՍՌՄ ընկերության պատվիրակությունը, որին գլխավորում էր Փլակմանանի կոմսության կերթության դեպարտամենտի դիրեկտոր պր. Լանդարդոն: Պատվիրակության կազմի մեջ էին Էդինբուրգի համալսարանի մանկավարժության պրոֆեսոր Պիլլը, շոտլանդական նշանավոր դրամատուրգ Ալեքսանդր Ռիդը, Շոտլանդիայի ժողովրդական արվեստի զարգացման ընկերության քարտուղար Ժուռնալիստ Զեյմս Ռիդը: Հյուրերը եղան Մայր Տաճարում, թանգարանում և ծանոթացան Մայր Տաճարում կատարված նոր պեղումներին ու Մայր Տաճարի պատմությանը:

ՍԵՊՏԵՄԲԵՐԻ 27-ին, ԿԻՐԱԿԻ, ՄԱՅՐ ԱՅԹՈՒ Ս. Էջմիածին այցելեցին Քբիլիսիի «Վրացֆիլմ» կինոստուդիայի մի խումբ նշանավոր դերասաններ ու աշխատակիցներ՝ գլխավորությամբ ստուդիայի ղեկավար տորի: Հարգարժան հյուրերը եղան Մայր Տաճարում, որից հետո Վեհափառ Հայրապետը բարեհաճեց նրանց ընդունել Վեհափառում: Ընդունելությունը անցավ շքեղ և բարեկամական մթնոլորտում:

ՍԵՊՏԵՄԲԵՐԻ 30-ին, ԶՈՐԵՔՇԱՐԹԻ, ՄԱՅՐ ԱՅԹՈՒ Ս. Էջմիածին այցելեց ռումինա հայ նշանավոր ծաղրանկարիչ Զիկ Դամատյանը: Հարգարժան հյուրը եղավ Մայր Տաճարում, թանգարանում, ծանոթացավ նորերս կատարված պեղումներին, դիտեց Մայր Տաճարի հարավային վերակառուցված գմբեթը և վանքի ժամացույցի նորակառույց աշտարակը, ինչպես նաև Մայր Աթոռի տեսարժան այլ վայրերը: Վերջում Վեհափառ Հայրապետը պր. Զիկ Դամատյանին ընդունեց Վեհարանում և սրտագին զրույց ունեցավ նրա հետ:

ՍԵՊՏԵՄԲԵՐԻ 30-ին, ԶՈՐԵՔՇԱՐԹԻ, ՄԱՅՐ ԱՅԹՈՒ Ս. Էջմիածին այցելեցին արգենտինական «Տանգո» նվագախմբի արտիստները՝ գլխավորությամբ խմբի ղեկավար Օսվալդո Պուդյինսկի: Խումբը համերգային ծրագրով ելույթ է ունենում Երևանում: Հյուրերը Մայր Տաճարն ու այլ տեսարժան վայրերը դիտելուց հետո եղան Վեհարանում, որտեղ նրանց բարեհաճեց ընդունել Վեհափառ Հայրապետը: Ընդունելությունը տևեց մոտ մեկ ժամ, որի ընթացքում հյուրերը իրենց հետաքրքրող մի շարք հարցեր տվեցին և հայտնեցին, որ թեև իրենց կաթոլիկ են, բայց շատ են հարգում Հայ եկեղեցուն և Արգենտինայում մի շարք հայ բարեկամներ ունեն, որոնք իրենց խնդրել էին Երևան լինելիս անպայման այցելիլ Ս. Էջմիածին:

Վեհափառ Հայրապետը հյուրերին էջմիածնի խաչեր նվիրեց: Հյուրերը Վեհարանում այդ խաչերը կախեցին իրենց վզից: Ապա Վեհափառ Հայրապետը նրանց խնդրանքի վրա նվիրեց նաև Իր և Ս. Էջմիածնի նկարը և խաչեր՝ Արգենտինայի իրենց հայ բարեկամներին տանելու համար: Ընդունելության վերջում, հյուրերի հատուկ խնդրանքով, Վեհափառ Հայրապետը օրհնեց բոլորին:

ՀՈԿՏԵՄԲԵՐԻ 4-ին, ԿԻՐԱԿԻ, ՄԱՅՐ ԱՅԹՈՒ Ս. Էջմիածին այցելեց ամերիկահայ հայտնի բիոքիմիկոս և Պենսիլվանիայի համալսարանի պրոֆեսոր Մանաս Սևակը, որը Հայկական ՍՍՌ Գիտությունների ակադեմիայի հրավերով հոկտեմբերի 1-ին ժամանել է Երևան: Հայ գիտնականը եղավ Մայր Տաճարում, թանգարանում, որտեղ հիացմունքով դիտեց արվեստի բազմաթիվ նմուշները: Վերջում Վեհափառ Հայրապետը Վեհարանում ընդունեց նրան և սրտագին զրույց ունեցավ նրա հետ:

ՀՈԿՏԵՄԲԵՐԻ 4-ին, ԿԻՐԱԿԻ, Ս. Էջմիածին այցելեցին Զեխուստվական—Սովետական բարեկամության միության 36 պատասխանատու աշխատողներ, գլխավորությամբ Զեխուստվական—Սովետական բարեկամության միության Սովակիայի կոմիտեի առաջին քարտուղար Յոզեֆ Տոկարի: Հարգարժան հյուրերը եղան Մայր Տաճարում և եկեղեցական արվեստի թանգարանում: Հյուրերը լավագույն տպավորություններով բաժանվեցին Ս. Էջմիածնից:

ՀՈԿՏԵՄԲԵՐԻ 5-ին, ԵՐԱՆԻՇԱՐԹԻ, ՄԱՅՐ ԱՅԹՈՒ Ս. Էջմիածին այցելեց տաղանդավոր թավջութակահար Ռոզան դե Մեյրամը (Ցելլոնից): Արվեստագետը ծանոթացավ Մայր Տաճարի ճարտարապետական կառուցվածքին, հետաքրքրվեց պեղումներով և եղավ եկեղեցական արվեստի թանգարանում:

